

I. N. 3. C.

DISSESSATIO ACADEMICA

DE

NON-REO CONFITENTE,

QUAM

*Consensu Amplissimi SENATUS Philosophici
In illustri ad Auram Athenæo,*

PRÆSIDE

M^{AG.} JOHANN E
BILMARK,

HIST. & PHIL. PRACT. PROF. REG. & ORD.

Publico bonorum examini modeste subjicit

DANIEL MATTENS,
NYLANDUS.

IN AUDITORIO MAJORI DIE IV. MART.

ANNI MDCCCLXVII.

H. A. M. S.

ABOÆ

Impressit JOH. CHRISTOPH. FRENCKELL.

S:æ R:æ M:tis
MAXIMÆ FIDEI VIRO,
Perillustri atque Generosissimo DOMINO,
**D:NO JOHANNI
LAGERFLYCHT,**
Summi Judicij in Magno Ducatu Finlandiæ PRÆSI-
DI ac PRO-PRÆSIDI Gravissimo, nec non EQUI-
TI Aurato de Stella Polari dignissimo.

MÆCENATI MAXIMO.

Quam TIBI, MÆCENAS MAXIME, nunc of-
fero, dissertationem si vel ex sua vel ex TUA
Perillustri dignitate æstimes, exiguum; si ex argu-
menti gravitate, mediocrem; si vero ex offeren-
tis

tis animo & pietate spectes, magnam censem. Su-
scipias itaque, GENEROSISSIME DOMINE, hoc qualemque
munusculum ea, qua semper soles, facilitate,
meque, Sacris Themidis initiari cupientem, prolixo
Tuo favore amplecti haud dedigneris. Quam si de-
deris veniam, ego vicissim animo connitar & labore
contendam, ne gratia TUA unquam excidam. Servet
DEUS O. M. TE, MÆCENAS Propensissime, quam
diutissime sospitem atque incolumen, ut Patriæ com-
modis, in quibus promovendis TUAS quotidie po-
nis curas & delicias, per longam adhuc annorum
seriem sufficias. Ita ex intimo pectore voveo, per-
mansurus ad cineres usque

Perillustris atque Generosissimi Nominis Tui

cliens devotissimus,
DANIEL MATTENS.

MONSIEUR,
**M. JEAN HENRI
MATTENS,**

Chirurgien Major au Regiment de Nylande
Cavallerie.

Mon très cher PERE.

*A*gréés, Mon très cher Pere, je Vous en supplie, que je Vous offre cette petite dissertation, premices de mes travaux Academiques, & le fruit de Vos soins pour mon bonheur. S' il étoit permis à un fils de faire connoître les merites de son Pere, je les serois valoir par l'exactitude dans Votre charge, par le soulagement que Vous avés procuré par Votre art à plusieurs mortels, mais particulièrement par la bonté de Votre cœur, qui m'a comblé des plus grands bienfaits. Autant ceux-ci surpassent mon espérance, autant je m'efforcerai de prouver que je me ferai gloire d'être toute ma vie avec la plus profonde vénération

MONSIEUR,
Mon très Cher Pere

*Votre très humble serviteur
& très obéissant fils
DANIEL MATTENS.*

I. N. J. C.

§. I.

Quod generis humani maxime intersit, cum ut probi atque innocentes a quibusvis iuriis præstentur immunes, tum etiam ut improbi atque maleferiati promeritis pœnis intra officiorum redigantur orbitam, negaturum credimus omnino neminem. Quamobrem etiam post introducta imperia auctoritate publica constituta sunt judicia, in quibus Viri, prudenter atque experientia insignes, facultate gaudent, non solum de actionibus, quæ momentum quoddam reipublicæ adferunt, cognoscendi, sed etiam decernendi, partim quid unicuique civium concedi, æquum sit, partim qualem quantumque subibit pœnam, qui alium temere lassivit, atque damno præter ejus meritum adfecit. Ne vero respublica utilitate ex hoc instituto sperata excideret, pauca sunt, quæ arbitrio Judicis relinquuntur, quum omnem navare debeat operam, ut facta suis auctoribus rite applicentur, & sententiæ, quas fert, idoneis nitantur probationibus, *Ag. B. C. XXIV. §. 3.* Enimvero tenera adeo vitæ, existimationis & opum conservatio hominibus est indita, ut multi eorum

A

sum-

summa imis & quadrata rotundis potius misceant,
 quam aliquam earum jacturam sentire velint; im-
 mo præsertim maleficiorum a se patratorum vesti-
 gia ita oblitterare satagunt, ut ne litura quidem,
 quantumvis sedulo inquirentibus, appareat. Atque
 hi tenebriones tanto difficultius deprehenduntur, quum
 ut lucem, ita actionum testes, follicite effugiant; qui
 præterea si factum gravius fuerit, quam ut omni-
 no celari possit, culpam tamen a se amoliri, suspi-
 cionemque facinoris jam e longinquo in alios deri-
 vare operose student: quæ si minus ipsis succedant,
 improbam observant regulam: *Quod fecisti, nega.*
 In ejusmodi obscuris casibus præcipue cernitur Ju-
 dicis industria, dum sinuosas taciturni pectoris pli-
 cas explicare, in adyta cogitationum Rei penetrare,
 & disjectis pertinacis astutiæ artibus ad liquidam
 veritatem non tormentis, nec captiosis quibusdam in-
 terrogationibus, quæ innocentibus etiam fraudi non
 nunquam esse possunt, sed simplici, verum circum-
 specta, singularum circumstantiarum connexione &
 ventilatione pervenire, & tandem a reo ingenuam
 confessionem elicere cupit. Atque huic propriæ con-
 fessioni, præsertim si fuerit spontanea, plurimum
 momenti tribuunt Judices, confessum in jure pro
 evicto, nec quidem immerito, plerumque habentes.
 Quum enim, ceu modo dictum est, ad hanc legem
 ipsa nos instituerit Natura, ut nos amemus quam
 maxime, nostraque salute nihil fere habeamus ca-
 riis; in neminem profecto cadere videtur tam im-
 mane sui odium, ut se confessione sua, tamquam
 laqueo

laqueo jugulare, & perniciosa prævaricatione se ipsum opprimere velit. Res ipsa potius docet, eum, qui aliquid a se gestum admissumque esse fatetur, verecundia quadam ac conscientiae vi impulsum, crimen agnovisse. Hinc SENECA: *Confessio CONSCIENTIA* vox est. *Confessio coacti, & quæ fecit, agnoscens est verbum* (a). Quis ergo fidem deroget homini, cum manifesto vitae fortunarumque periculo aliquid affirmanti, eo loco ac tempore, quo in pertinaci silentio vel mendacio plerique omnem spei salutis positam sibi esse existimant? Nonne reus tam ingenuus ipsam videbitur denudare conscientiam? Igitur quemadmodum CICERO jam olim sibi impense gratulabatur, quum sibi accusatori negotium esset cum reo: qui scelerum suorum nullam sibi neque inficiandi rationem, neque defendendi reliquisset, sed omnibus in rebus coargueretur ab accusatore, convinceretur a testibus, urgeretur CONFESSIO SUA, & manifestis in maleficiis teneretur (b); ita quoque res & controversia ad umbilicum deducta Judici plerumque videtur, dum Reus ipse, imprimis si nullis exagitatus fuerit tormentorum furiis, profitetur facinus a se esse patratum, atque fidem dictis facturus, ipsas actionis circumstantias in medium profert. Et his omnibus momentis rite positis dum nititur sententia, justissima in foro humano habetur; quum ulterius progredi humana vix permittat conditio.

(a) Vid. *Libr. Controvers. VIII. Contr. I. p. m. 403.* (b)
Vid. in *Verrem Libr. IV. C. LXIV.*

§. II.

Sed quum varium atque tortuosum sit mortuum ingenium, fieri nonnunquam solet, ut ne quidem in negotiis gravissimi momenti, & quæ vitam, famam & opes concernunt, sibi constent homines, sed a se ipsis non raro dissentiant. Sicut enim Rei, præsertim quorum præcordia alios vexandi libido coquit, omnem movent lapidem, ut Judici, de facinore quæstionem habenti, tam sermone quam alto supercilio fœcum faciant, caussam suam se præclare egisse censentes, si rigorem legis eludere & promeritas poenas quo demumcunque modo effugere queant; ita e contrario dantur subinde non-rei, qui se Auctores facinorum, a se non patratorum, liberaliter adeo confitentur, ut poenas, legibus civilibus definitas, sibique confessis imminentes, in lucro etiam atque solatio ponere videantur. Atque hujus levitatis varias reperire licet caussas, quarum nonnullas in medium nunc attulisse, a proposito nostro haud erit alienum. Dantur igitur tales, quos conscientia nimis tenera maximum in modum exagitat, qui proinde cum suos passi sunt manes, vel potius vitiis quibusdam succubuerunt, quibus tamen tranquillitas publica nullo modo turbatur, eadem tamdiu in animis volunt, momentis illorum in conscientiæ trutina ex horrore mentis semper aliquid addendo, donec gravissimis, ex eorum sententia, æquivaleant facinoribus. His cogitationibus jugiter immorantes atrocia hæc scelera primum in se configunt, & deinde eadem publice confiteri non dubi-

dubitant. Sed hi fere sunt, qui tædio vitæ ærumno-
ſæ ita seducuntur, ut veritatis lucem in dubiis hisce
casibus acie minus constante intueantur. Alii rursus
reperiuntur, qui vel simplicitate vel supina igno-
rantia se in transversum rapi patiuntur, adeo ut si-
ve actui facinoroso interfuerint, sive non, sibi pri-
mum persuadeant, deinde coram aliis fateantur, se
eas commisſe actiones, quarum nec cauſæ Mora-
les, nedum Physicæ haberi possunt. Quod imprimis
accidit, si in judicium ſubito rapiantur, & justam
ſui defensionem ipſi peragere nequeant, attamen stri-
dentes videant equuleos, qui ipſos excipient si fa-
cinus, ipſis objectum, morose negent. Tunc ſatiuſ
putant uno iectu concidere, quam poſt geminatos do-
lores, quibus perferendis ſe impares judicant, miſe-
ram animam e languido exhalare corpore. Alii i-
terum jura amicitiæ eo uisque extendunt, ut culpam
facinoris, ab amico commiſſi, hilariiter in ſe fuſci-
piant, & Pylades pro Oreste, ſi hic periculo aliter
defungi nequeat, mortem oppetere non dubitet.
Alios adhuc videmus, qui lauta mercede conduci,
ſe, innoxios licet, facinora patraſſe conſiuentur, ut
ipſos auctores non tam a poena quam ab infamiæ
macula liberent; qui tamen cauſus talia concernunt
delicta, quæ capitis poena non multantur. Dantur
denique nonnulli, ambitionis œstro ita perciti, ut
Magnorum Virorum, qui amplam nominis celebri-
tatem ſunt conſecuti, non tantum virtutes ſed et-
jam vitia imitari geſtiant, & qui ſe Heroas iſtos
etiam tunc conſiuentur, quum in eorum perniciem

conjurata adversæ fortunæ fulmina vident, quorum fragores inepta sua declaratione in se arcessunt. Cujus rei fictam quidem, sed ab indole conditionis humanæ non penitus abhorrentem, Historiolam nobis exhibit BARCLAJUS (a). Hi lubricæ imaginationi tamdiu indulserunt, donec & cerebrum & circulos sibi, saltem aliquantum, turbarunt, adeo ut quod esse voluerunt, tandem esse existiment, nec jam illæ in domito & adsveto animo imagines rem, ut optabilem, sed ut veram & præsentem exhibeant. Atque de his ipsis, qui cum innocentes sunt, facinora tamen satis gravia in se confitentur, in præsente dissertatione, quam publicæ censuræ nunc modeste submittimus, nonnihil agere constituimus. Quod si quis nos accuset, quod materiam elegerimus, quæ viribus nostris minus conveniat, habebit quidem nos confitentes reos, sed ita tamen confitentes, ut argumenti hujus explicationi nos symbolam quandam conferre posse existimemus; defectus vero nostros, quos non dissimulamus, quin B. Leætoris æquanimitas abunde suppleat, non tam speramus, quam potius confidimus.

(a) In Argenid. p. m. 89. & seq.

§. III.

Ut vero pede inoffenso in definito progrediamur stadio, juvabit in antecessum monuisse, quod per Non-Reum Confitentem præcipue intelligamus eum, qui vel seipsum patrati facinoris accusat, vel in

in judicio interrogatus apertæ confessionis ingenuitatem sponte sua amplectitur; quamvis probe sciat, quod factum ipsum, de quo quæstio habetur, nunquam commiserit. Quid autem de illorum statuendum sit confessione, quorum sententia per equum extorquetur, aliis dispiciendum relinquimus; addentes solummodo, quod multa ex illis, quæ de confessione spontanea valent, etiam sententiæ, metu & tormentis extortæ, applicari queant. Seiat tamen Judex, quod si illa non omne ferat punctum, hæc minorem adhuc mereatur fidem. Hinc ne quis existimet, quod nulli dentur casus, quibus homines non-rei facinora quædam in se fuerint confessi, duo tantum exempla ex amplissima, quam Collectores casuum illustrium nobis exhibent, eorum messe impræsentiarum adferemus. Memoriæ igitur prodit ANNÆUS ROBERTUS (*a*), ictus haud ignobilis, muliere vidua domi, aliquamdiu absente, nec in tota vicinia amplius visa, increbuuisse rumorem, misseram illam latronis cuiusdam scelere occubuisse. Refert insuper, judicem latrunculatorem, auctores cædis requirentem, Titium, in saltu delitescentem, & attonito trementique similem comprehendisse & ad Judices provinciales deduxisse. Apud hos hominem, nullo quæstionis terrore, nullo tormentorum cruciatu exagitatum, sed aut desperatione, aut necio quo fato salutis suæ negligentem crimen innocentem agnovisse, confessumque ad laqueum esse damnatum. Biennio post eandem mulierem salvam rediisse, & Judices a Titii cognatis in jus vocatos esse,

esse, quum jam miseri illius innocentia, præter se-
pulcri honorem, dari nihil amplius posset. Huic
non multum dissimile exemplum nobis exhibet ZA-
CHARIAS HUBERUS (*b*), sed ubi scena, quod a
cordatioribus Judicibus quæstio habebatur, tragicum
non habuit exitum. In pago quodam Frisico pro-
pe Doccumum, repentina fato oceubuerat mulier,
cujus maritum fama publica in suspicionem propi-
nati veneni adduxerat. Conjectus in vincula ultro
fatebatur, se venenum, Documi a Pharmacopola
emtum, placentæque mixtum, uxori obtulisse, quæ,
illo sumto, confessim se male habere cœperit, &
vomitu per butyrum liquefactum frustra provocato
circa horam quartam matutinam inter gravissimos
dolores exspiraverit. Fidem dictis eo majorem fa-
cturus reus, addiderat varias facti circumstantias,
& in his illam, quod partem veneni reliquam, du-
plicatae chartæ involutam, linoque constrictam, in
agro ædibus vicino defoderit, & locum cespite viri-
di contexerit. Enimvero dum in rem omnem paulo
accuratius fuit inquisitum, falsa pleraque omnia
apparueront; siquidem nec Medici in cadavere ul-
lum veneni vestigium deprehenderant, nec emtio
veneni in Pharmacopolio Documano facta erat,
nec reliquiæ veneni in agro reperiebantur, quam-
vis reus ipse, ad eum locum adductus, omnes prope-
modum glebas circumivisset. Accedentibus insuper
& aliis falsi indicis, homini, perire cupienti, saluti
fuit, quod Judices sollicite expenderint singula mo-
menta, qui, tantum abfuit, ut pro explorato facino-
re

re habendam putaverint illam hominis, atra bile labo-
rantis, confessionem, ut eum liberare non dubita-
verint, quamvis amplissima eademque fatis constans
extaret de criminē tam atroci confessio.

(a) Vid. *Rer. Judicat. Lib. I. Cap. IV.* (b) Vid. *Observat. Rer. Judicat. Cent. I. p. m. 445.*

§. IV.

In antecedentibus satis fuit ostensum, quod confessioni propriæ multum, idque jure meritoque, tribuatur, propterea quod nemo melius, quam reus ipse sciāt, qua intentione, quomodo & quibus auxiliis aliquid fuerit patratum. Quamobrem etiam Historia tam Sacra quam profana docet, quod apud gentes fere omnes moratores institutis sanctum fuerit, neminem, nisi manifestis circumstantiarum momentis urgeretur, prius esse condemnandum, quam ipse factum suum fuisset confessus. Sicut DEUS, omniscius cordium scrutator, supremam rei-publicæ Judaicæ administrationem in se suscepérat; ita quoque in casib⁹ dubiis, præsertim dum auctores facinorum humana sagacitate detegi non possent, partim immediate, partim mediate & quidem per fortilegium, auctores istos designabat, qui, flagitium coram Judicibus confessi, poena mulctabantur. Sic dum ACHANES contra expressum DEI mandatum ex præda aliquid surripuisset, & clades, quam mox acceperant Israëlitæ, gravioris flagitii, ab aliquo eorum patrati, ipsos admonuisset, sortes duxerunt, qui-

bus quum designatus esset *Achanes*, JOSUA tamen hunc, Theocratico judicio convictum, non prius condemnavit, quam ipse peculatum esset confessus (a). Similiter cum JONATHAN, SAULI filius, ne scius jurisjurandi, quo Rex milites suos, in fugan- dis hostibus occupatos, obstrinxerat, contra illud peccasset, & judicio DEi reus fuisset declaratus, non prius tamen a feroci Patre condemnatus, quam fa- ctum fuisset confessus (b). Caiphas etiam, Pontifex ille Judæorum, SALVATOREM nostrum, se DEi fi- lium esse professum, condemnavit, addita conde- mnationis caufa: Τι ἔτι χρείαν ἔχουεν μαρτυρίας; ἀυτὸι γὰρ ἀκόσταμεν αἴπο τῷ σώματος αὐτῷ, id est: Quid am- plius opus est testimonio? Ipsi enim rem audivimus ex ore illius (c). A Judæis ad gentiles transitum facien- tibus statim obvenit respublica Spartana, cujus licet singula instituta nemo sanus probaverit, quin ta- men in multis laudem mereantur Lacedæmonii, ne- mo facile ambiget. Atque hoc loco, ut verbis u- tar CORNELII NEPOTIS (d), non est prætereun- da Lacedæmoniorum gravitas, cujus in vita PAU- SANIÆ insigne habemus documentum. Cum enim Rex hic Spartanorum, rebus contra Persas feliciter gestis, plura miscere cœpisset, & Patriam, quam ab imminentे periculo liberaverat, ipse opprimere stu- deret; eum in finem cum XERXE, Persarum Re- ge, fœdus iniit. Sed ut ars arte plerumque eludi- tur, ita infidelis iste Rex ab infideli tabellario fuit proditus; qui cum, laxatis epistolæ vinculis, pernicio- sissima Pausaniæ consilia, in eadem perscripta, E- pho-

phoris aperuisset, illique manum Pausaniæ agnoscen-
tent, adeoque hoc indicio de proditione ejus essent
convicti, ipsum tamen confitentem prius audire vo-
luerunt, quam pœnam in eum decernerent. Qua-
re Ephori indici Argilio præcipiunt, ut ad Neptuni
templum, quod Tenari erat, se conferret, atque in
ara confederet, ipsi prope eandem sese occultantes.
Huc properans Pausanias, quærerit de causa, quæ ad
Deorum aras supplicem configere compulisset? Quam
cum cognoverat, Rex, quod sine arbitriis rem agi
crederet, liberaliter cuncta confitetur: & tunc de-
mum sententia in eum lata fuit. Nec omnino re-
ticenda est æquitas veterum Hyperboreorum in hoc
negotio, cuius plurima in Historiarum monumen-
tis passim occurrunt exempla, quorum unum alte-
rumve adferemus. Dum SIGURDUS, Thorlaci fi-
lius, clam occidisset THORALFUM Dimonium, Nor-
vagiæ Rex, OLAUS S., quæstionem de hoc facino-
re mox habuit, & quamvis probabile esset, Sigurdum
cædis auctorem esse, attamen cum hic crimen
sibi objectum audacter negaret, dilata in crastinum
fuit sententia; interea vero Sigurdus in tutiorem lo-
cum se fuga recepit (*e*). Majori severitate idem
Rex usus fuit in THORERUM, Olveri filium, qui
cum clandestinum fœdus cum Daniæ Rege CANU-
TO M. iniisset, & in pignus amicitiae auream ob-
tinuisset armillam, hunc, perduellionis reum & con-
fessum, occidi jussit (*f*).

(a) *Josuæ VII. 20. seq.* (b) *1 Sam. XIV. 42. seq.* (c)
Luc. XXII. 71. (d) *In vita Pausan. Cap. III.* (e) *Vid.*

STURLONIDIS *Heims Kr.* Tom. I. p. 631. seq. (f) Vid.
Liber, cit. p. 705.

§. V.

Sed illuc revertimur, unde nostra paulisper de-
flexit tractatio, visuri quid de moralitate ejus actio-
nis sit censendum, qua quis factum quoddam spon-
te in se confitetur, cum tamen plene sit convictus,
se ejusdem non fuisse auctorem? Quocirea statim
respondemus, quod talis, si modo sana mente in
sano gaudeat corpore, circulos officiorum, DEo, Pa-
triæ, sibi ipsi & aliis debitorum, quantum in se
est, vehementer turbet. Quum enim DEus O. M.
hominem in theatro hujus universi collocaverit, ut
voluntati Ejus convenienter se gerat, ipsum, a quo
totus dependet, cernuus colat, & in paterna Ejus
gubernatione acquiescat, non. Reus autem factum
quoddam in se confitens, atque impatientia ductus
DEum non ut beneficium Patrem diligit, sed ut ri-
gidissimum judicem sibi proponit; migrat officia jam
enumerata, adeoque in Majestatem Divinam est ma-
xime injurius. Quid? Quod talis eo magis sit ba-
bendus, quod sermone, præstantissimo illo munere,
quo DEi laudes & gloriam, nec non sua aliorum-
que commoda promovere posset, in illius contume-
liam & sui ipsius perniciem turpiter abutatur. Præ-
terea non. Reus, de quo loquimur, Patriam suam,
quæ, CICERONE teste, omnium in se complecti-
tur caritates, susque deque habet. Quum enim in-
genui civis sit, patriæ utilitatem & tranquillitatem
omni

omni nisu promovere; non-Reus contra, factum in se confitens, utramque flocci facit. Si enim in vita periculum temeraria sua confessione se conjiciat, eripit civitati membrum, quod ad florem ejus symbolam conferre posset. Si vero minus fuerit delictum, quam ut capit is pœnam mereatur; attamen dum culpam in se suscipit, verum facinoris auctorem a promeritis liberat pœnis, atque eum ita ferociorem reddendo, securitatem publicam infringit. Deinde ideo quoque interest reipublicæ, ne innoxii pro noxiis plectantur, quia aliter existant peccata sic dicta clamantia, quæ vindictam Divinam non tantum in auctores facinorum, sed in integrum sordem populum depositunt; quam facti sequelam vix expendit non-Reus, ceteroquin sibi religioni duceret, totam exagitare patriam, ut tædii stimulos ipse subterfugiat. Maxime autem migrat non-Reus, factum confitens, Legis N. præcepta, quibus officia erga nosmetipsos continentur. Lædit enim primo existimationem suam. Cum enim illa nitatur justa & præviis egregiis factis fundata opinione, quam alii de nobis & nostris virtutibus concipiunt; sed non-Reus, flagitium confessus, bonam aliorum de se opinionem imminuit, & sinistras cogitationes ipsi suggerit, evidens est, quod famam suam valde labefactet. Lædit quoque conscientiam suam, quæ per vitia quævis vulneratur. Et licet facinus non-Rei sit imaginarium, adeoque in se nullum, attamen cum tale a se fuisse commissum & sibi persuadet & coram aliis fatetur, fallit se ipsum, fallit

etiam alios, adeoque gravissimo hocce mendacio, vitio certe tetrico, conscientiam lædit. Denique & vitam lædit, quippe si gravius delictum in se confiteatur, capit is poena multari potest. Perit vero ejusmodi reus, nulla in judicibus iniquitatis aut inimicitiae suspicione, sed sua ipsius calumnia. Immo perit, quia perire cupit, & turpissimo menda-
cii genere seipsum circumvenit. Quis autem com-
miseratione dignum censeat hominem, quem ne sui
quidem miseret? Addo, quod cum leges tam Divi-
næ (a), quam humanæ (b) capit is pœnam in eum
decernant, qui falso testimonio aliquem oppresserit,
pateat omnino, quod non reus se ipsum accusans,
pœnam, flagitio confessò definitam, ex suo merito
subeat. Tandem & officia, aliis debita, violat non-
Reus, dum eos sua confessione in errorem dedit,
& hinc ad damna sibi præter meritum inferenda
seducere potest. Ex quibus omnibus adfatum con-
stat, quod abominandum omnino sit factum non-
Rei, facinus quoddam in se confitentis.

(a) Deuter. XIX. 16. seq. (b) Mg. B. Cap. LX. S. S. 1. 2.

§. VI.

Quæstionem modo propositam mox excipit a-
lia, scilicet: An Civili æstimatione confessus pro con-
victo sit habendus? Civili inquam æstimatione; sicut
enim qui facinus quoddam adeo occulte patravit,
ut humanam omnem eludat sagacitatem, nihilo ta-
men minus in foro Divino sistitur sicut convictus,
quam-

quamvis factum non sit confessus; ita quoque si non-Reus coram judice confiteatur facinus quod-dam, graviter quidem peccat, ut §. V. ostensum, at-tamen in fôro Divino & conscientiæ pro auctore facti confessi non habetur. Quod vero ad forum humanum attinet, tam ex præceptis ICtorum, quam ex Historia constare videtur, quod confessus pro convicto reputetur. Familiaria enim in judiciis sunt axiomata: *Confessus habetur pro judicato: Confessio est probatio omnibus melior & efficacior, quæ fieri potest, adeo ut ubi illa obtinet, ibi sit relaxatio omnis probationis (a).* A quibus nec multum ab-lusisse Majores nostros constat, quum apud illos se-quentes reperiamus canones: *Then är fâlder sif fâl-dir själver (b); & Swa myckin är känd saak/ som stârskutin/ eller med witnum tilbundin (c), id est: Testibus haud opus est, ubi res confessa relucet (d).* Et hoc etiam pertinet Regula Judicialis XVI: 17. *Känd saak är så godh/ som witnad.* Illustrè quoque argumenti propositi exemplum nobis exibet Histo-ria S. Cum SAULUS, Israëlitarum Rex, bellum cum Philistæis gereret, atque in decretoria pugna anci-piti premeretur periculo, timens, ne in hostium præputiotorum manus incideret, gladio se ipsum transfodit. Sed cum ita mortem non oppeteret, A-malekitam, qui præsto erat, ad se vocavit, rogans, ut filum vitæ suo abrumperet gladio: quod etiam fecit, sibi, ut videtur, persuadens, quod volenti non fieri possit injuria. Tum adsumtis Regis occisi in-signibus, ad Davidem festinavit, rem totam, ut ge-sta

sta erat, exponens, & magnum forte brabeum exspectans, quod prædicti pridem regni auspicia ei ita annunciatet. Sed sicut Davides, qua fuit pietate ac Religione, personam Regis, quantumvis injusti, sacrosanctam esse habendam, suo docuerat exemplo; ita facinus hujus nuntii abominabatur: quare sine judicij strepitu sententia ferali eum condemnavit, addito elogio: *Sanguis tuus sit super capite tuo; os enim tuum testificatum est contra te, dicendo: Ego occidi unctum Iehovæ (e).* Adeoque Davides hunc Amalekitam, de regicidio confessum, pro convicto habuit, & dignum pronuntiavit, qui mortis pœna protinus mulctaretur.

(a) Vid. T. OTTONIS TABORIS *Loc. Comm. Jurispr.* p. 126, 127. (b) Vid. *Cap. VII. §. 5.* Tingh. Upl. (c) Vid. *Cap. XI. §. 1.* Drāpm. St. L. (d) Vid. LOCCENII *not. ad cit. Cap.* (e) *2 Sam. I: 15, seq.*

§. VII.

Postulat instituti ratio, ut de quæstione modo allata nostram quoque sententiam aperiamus; quo circa statim monemus, quod omnino distingendum sit inter confessionem, prout causas vel civiles vel criminales concernat. In priori casu confessum pro convicto esse habendum, merito docent Icti. Quum enim negotia civilia & caussæ pecuniariæ nihil continere soleant, quod admodum occultari debeat; quin potius ipsa rei natura plerumque exigat, ut res gesta ad plurimum cognitionem perveniat, adeoque dum quis factum coram Judice fate-

fatetur, idemque testibus idoneis, scriptis propria ma-
 nu exaratis, aliisve probationum instrumentis est mu-
 nitus, quibus fidem dictis facere potest, factum ita
 censetur probatum, ut dubitationi nullus amplius su-
 persit locus. Quum enim in caussis modo memoratis
 homines animo deliberato & perpensis singularum
 circumstantiarum momentis ad negotium accedant,
 vix ambigi potest, quin confessioni propriæ tantum sit
 tribuendum, ut ad dirimendam controversiam valeat.
 Quamobrem etiam Codex FRIDERICIANUS: Känd
 sak är så god som witnad / när then som tillåres /
 och til laga ålder kommen / och ej wanvettig är /
 widgår frivilligt saken inför rätta / och ej dertil pint/
 strånd / eller svikeliga förledd är (a). Enimvero in
 quibusvis casibus nudæ confessioni alterutrius partis lit-
 gantis minus fidei habetur, cum quis ita Judex in pro-
 pria caussa evaderet; valet tamen in onerosis, scilicet
 dum vel reus non difficitur factum ab auctore sibi ob-
 jectum, vel auctor ipse totam litem facit missam. Quod
 si non-Reus caussam quandam civilem in se confitea-
 tur, hoc fieri solet ex ignorantia vel faeli vel juris.
 Illud rursus accedit, si pluribus negotiis ita fuerit di-
 strictus, ut singula sibi in memoriam revocare non
 possit. Ex. gr. si quis nomina apud plures fecerit,
 nec accuratas accepti & expensi rationes iniverit, i-
 dem si ex supina negligentia fateatur, se summam pe-
 cuniæ alicui debere, nullis legibus ab iterata solutio-
 ne liberari potest. Quod si rursus quis ex ignoran-
 tia Juris factum coram Judice confiteatur; hujus of-
 ficium est, non ex arbitrio confessi, sed ex tenore

Legum atque constitutionum publicarum sententiam ferre (*b*). Ignorantia enim juris est vincibilis, adeoque calva est excusatio, dum illa factio prætenditur. In his autem casibus requiritur sincera, nec ambiguis vocibus comprehensa confessio, nec in censum venit illa, quam Judex per modum consequentiæ astuta ratione ex verbis confessi elicuit; nisi una cum altera manifesto adeo nexu cohæreat, ut una alteram vel involvat vel supponat. Denique quum actionis, in foro intentatæ, plura esse queant momenta, quæ singula nullam invicem habent relationem, nihil certe impedit, quo minus quis alterum caput confiteri, alterum vero negare possit. In quo casu æquum est, ut liquidum solvatur, sed de illiquidio tamdiu nulla fatur sententia, donec res ipsa successu temporis se manifestaverit. Immo confessio repetita & constans prævalet, imprimis si & quantitatem & qualitatem rei controversæ exponat.

(*a*) R. g. B. Cap. XVII, §. 36. (*b*) Vid. NEHRMAN-NI Proc. Civil. p. 259. §. 3.

§. VIII.

Progredimur ad considerationem causarum criminalium, in quibus paullo magis perplexa censetur quæstionis propositæ resolutio; siquidem confessio varias ob rationes magis lubrica esse potest. Sicut enim homines, dum facinora committunt, placida intellectus decreta, quibus verum a falso & bonum a malo discernere possunt, non sequuntur, verum imaginæ-

ginationis blanditiis & adfectuum stimulis se in transversum rapi patiuntur; ita prava hæc facta, quantum in se est, sollicite occultant, ut promeritas pœnas subterfugiant. Immo si vel tædio exulceratæ conscientiæ vel alio modo ad confessionem adigantur, multi tamen adeo vœcordes sunt, ut vel specioso colore factum suum incrurent, vel si imminentem pœnam cum diuturna infamia conjunctam exhorrescant, diversum ab eo, quod commiserint factum in se confiteri & flagitium flagitio ita cumulare, quandoque non dubitent; peccatum suum se expiasse censentes, dum qualicunque pœna seiplos multaverint. Hoc comprobat multiplex experientia, quæ docet, quod nonnulli tædio calamitosæ vitæ in se fuerint mentiti, quia se aliena manu facilius, quam sua perituros speraverint. Quamobrem quum in legibus Patriis multa occurrunt egregia, tum illud æquissimum merito censemur: Men ej bør någor i brett / som å lif gå / fällas på egen bekennelse / utan the omständigheter finnas / som bekännelsen syrcka (a). Rationibus hujus instituti allatis binas adhuc addimus; tum quod in caussis criminalibus confiteri & negare sæpe æque sit periculosum; siquidem confitentibus supplicium, sed negantibus carceris squalor ac subinde tormenta immineant, tum quod in caussis civilibus damnum ex iniqua sententia acceptum plene resarciri & amissum restituiri possit: sola autem vita est, qua semel ademta, erroris emendationi non est locus. Ulterius si non Reus in se confiteatur facinus quoddam, Leges nostræ hunc, innocentem compertum, nec pœna flagi-

tio definita adficiunt, nec tamen a promerita castigatione, quo tranquillitas publica sarta teatque maneat, eximunt. Bekjänner någor falsofeliga / thet han säs dan gjerning gjordt / som dödsstraff förtjenar / plikte med fångelse vid waten och bröd / spö eller ris, efter omständigheterna (b). In his præcipue casibus ad prudentiam & religionem Judicis pertinet, etiam perire volentes non condemnare. Fieri etiam potest, ut quispiam aliis flagitiis meruerit supplicium, non tamen propterea excusandus est Judex, qui ipsum ob delictum, nunquam commissum, capit is damnat. Esto enim, quod reus prævaricatione sua protmeruerit poenam; non tamen ut homicida vel alius criminis reus, sed tamquam prævaricator erat puniendus, auditaque ejus confessione, probe dispiciendum, vera-ne confessus sit miser, an ex aliqua caussa innocentem mori decreverit. Denique si quis audita sententia condemnatoria priusquam ad supplicium ducatur, vel novum in se confiteatur crimen, vel alias correos nominet, differri quidem pro re nata potest executio, raro autem poena, nisi tota forte mutetur scena, mitigatur. Nu bekjänner fånge i fångelset annan missgjerning / än then han redan är dömd före / eller ås andre theri delacttige åro; eller är uppenbar själaväda; tä gifwe Konungens Befallningshafwande thet Hsverdommaren tillånnas / som dömit hafwer och afsvärkte thes utslag. (c).

(a) R. g. B. Cap. XXVII. 36. §. (b) M. B. Cap. XIII, §§. 4. §. (c) S. VI. Cap. III, §. 4.

§. IX.

Quum Judex, qui integrum servare cupit conscientiam, sedulo cavere debeat, ne innocentes supplicio adficiantur, aut exempla in eos statuantur, qui nullo alio crimen animadversionem merentur, quam calumnia adversus seipso admissa; ab illo etiam requiritur, ut confessionem Rei & non-Rei discernat, quem in finem sequentia observasse momenta juvabit. Ab ipso itaque Judge requiritur, ut in demandato munere se graviter gerat, ita quidem, ut nec fevero & torvo vultu reos perterreat, neque simulatione amicitiae & spe impunitatis quempiam ad confitendum sollicitet. Quod ad reum attinet, consideranda omnino est vitæ ejus anteactæ ratio, dispiciendurnque, an prius in judicium ob commissa flagitia fuerit vocatus, item an confessionem trepidus edat, & contradictoria aut manifesto falsa adferat; hæc enim talia sunt, ut in gravem commissi facinoris suspicionem ipsum adducant. Contra ea si factum confitens probam, in quantum vicinis constet, degerit vitam, at tamen ipsis innotuerit, quod per aliquod tempus atra bile laboraverit, adeo ut hominum consortium ferre non potuerit, sed loca solitaria impense dilexerit, hujus confessioni, quantumvis ingenuæ, penitus non erit fidendum, nisi adsint indicia, quæ rem ipsam extra dubitationis aleam ponant. Hæc de persona Rei sunt tenenda: de ipsa confessione, ut valida haberi queat, observamus 1) Quod confessio fieri debeat coram Judge, adeoque si ex. gr. quis Thraso in fre-

quentia hominum fateatur, se plurimos e medio su-
stulisse, Thraso tamen fere est habendus, qui laureo-
lam in mustaceo querat. 2) Requiritur, ut confitens
pubertatis annos excesserit & judicii maturitate gau-
deat, tum etiam ne adfectæ mentis vitio quodam la-
boret, sed sibi probe perspectam habeat rem, ad Ju-
dicem delatam: quo circa confessio nullius erit mo-
meati, si confitens in gravi errore factive ignorantia
versetur. 3) Quod confessio proficiisci debeat ex ani-
mo se ea confessione onerandi, & poenam vel alium
legis effectum, quantumvis molestum, subeundi. 4)
Necesse est, ut reus facultate gaudeat, sententiam
suam iis signis explicandi, de quorum significatione
quisque potest esse certissimus. Confessiones igitur,
quæ a mutis & surdis elicuntur, ambiguæ a pleris-
que habentur. 5) Denique requiritur, reum confite-
ri de eo, quod fieri potuerit, ejusque confessionem
non claudicare, sed sibi similem esse. Si hæc con-
currant, vix erit dubitandum, quin reus veritatem
dixerit. Si autem reus sua se confessione ita oneret,
ut sibi minime, etiam dum posset, parcat, & si ea-
dem insuper sibi minus constet, effata hujusmodi Rei
vix ullam merentur fidem. Tandem ponderanda et-
jam sunt circumstantiarum momenta, an eadem in
reum apprimere quadrent, vel non. De corpore figi-
tur delicti sollicita habenda est quæstio, atque dispi-
ciendum, num confitens solus commiserit facinus, vel
alii etiam ejusdem participes fuerint, tum quo tem-
pore, loco, modo, quibusve instrumentis idem sit pa-
tratum; ut alia reticeam, quæ ad confessionis verita-
tem

tem probandam faciant, quæque Judicis prudentia & opportune excogitat & circumspetæ applicat.

§. X.

Hæc fuerunt pauca illa, quæ de argumento proposito, satis arduo & difficulti, in medium proferre tenuis, qualis nostra adhuc eit, potuit Minerva. Multa quidem, quod non diffitemur, de confessionibus reorum tradunt tam antiquiores quam recentiores Philosophi & legum Periti; sed quæ partim concernunt obligationem Rei ad confitendum factum (a), partim etiam exponunt modum eliciendi confessiones ab illis, qui veram caussæ controversæ indolem non tam dextre explicant, quam potius sinistre implicant. Enimvero quid de non-Reis confitentibus sit statuendum, pauci, quantum quidem nobis constat, ita expressuerunt, ut eorum dogmata principiis æQUITATIS & legibus Patriis convenient. Quod si autem Tuæ, Eru-dite Lector, exspectationi meditationes hæ minus satisfaciant, defectus juvenili nostro ingenio tribuas, atque, qua es æquanimitate, ita tecum constituas, ut quemadmodum non omnibus olim licuit adire Corinthum, ita quoque nec singulis, castra Musarum sequentibus, conceditur, plausus mereri, sed pleris-que sufficit, dum rem suam non omnino male egerint.

(a) Vid. PUFENDORF. *Jus Nat. & Gentium Libr. IV.*
Cap. I. §. 20.

S. D. G.



St. John's Cross, or the Cross of St. John, is a small
cross-shaped stone monument, standing in the middle of a
graveyard.

X. A

THE GARDEN OF EDEN.
The Garden of Eden was a garden of great beauty and richness, situated in the land of Canaan, near the city of Jerusalem. It was enclosed by a high wall, and contained many trees of various kinds, and flowers of every color. In the center of the garden was a large tree, called the Tree of Life, which gave shade to all the other trees. The garden was watered by a stream that ran through it, and was fed by several springs. The soil was very rich, and produced abundance of fruit and vegetables. The garden was the property of God, and was given to Adam and Eve as their home. It was a place of great happiness and contentment, where man could live in peace and quietness, and enjoy the fruits of his labor. But unfortunately, man fell into sin, and lost his innocence. He was cast out of the garden, and became a wanderer in the world. Since that time, the garden has been a symbol of the happiness and prosperity of God's creation, and a reminder of the curse of sin.

(*) THE GARDEN OF EDEN, OR THE CROSS OF ST. JOHN.

C. D. E

+